

آبونه اولی استینلر دائره عدلیه
اداره مخصوصه سنه مراجعت
ایملیدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

کتابخانه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته احرئی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعہ ارٹسی وچہار شنبہ کونلری نشر اولنور . محتویاتی امور عدلیہ متعلقدر

تجربیات

بغداد ولایتی استیناف محکمه سی جزا دائره سی
ریاستی موصل ولایتی استیناف محکمه سی جزا
دائره سی رئیس سعادتلو محمد رمزی افندی به
موصل ولایتی استیناف محکمه سی جزا دائره سی
ریاستی بغداد ولایتی استیناف محکمه سی جزا دائره سی
رئیس عزتلو عمر ذہنی افندی به
انقرہ ولایتی استیناف محکمه سی مدعی عمومیلکی
قونیه ولایتی مرکز بدایت محکمه سی حقوق دائره سی
رئیس رفعتلو مسعود خاکی افندی به
قونیه ولایتی مرکز بدایت محکمه سی حقوق
دائره سی ریاستی بغداد ولایتی مرکز بدایت محکمه سی
حقوق دائره سی رئیس رفعتلو علی حیدر افندی به
بغداد ولایتی مرکز بدایت محکمه سی حقوق
دائره سی ریاستی سوریه ولایتی مرکز بدایت
محکمه سی جزا دائره سی رئیس فتوتلو نظیف افندی به
سوریه ولایتی مرکز بدایت محکمه سی جزا
دائره سی ریاستی قسطنطونی ولایتی مرکز بدایت
محکمه سی مدعی عمومی معاونی فتوتلو تحسین افندی به
قسطنطونی ولایتی مرکز بدایت محکمه سی مدعی
عمومی معاونلکی اذمید سنجانی بدایت محکمه سی
جزا دائره سی رئیس رفعتلو عثمان کمال بکه
اذمید سنجانی بدایت محکمه سی جزا دائره سی
ریاستی ارطغرل سنجانی بدایت محکمه سی مدعی
عمومی معاونی مصطفی بہجت بکه
بک اوغلی بدایت محکمه سی مدعی عمومی معاونلکی
اسکدار بدایت محکمه سی جزا دائره سی ضبط
کتبه سندن و مکتب حقوق شاہانہ نک علی الاعلی
درجہ ده مآذونلرندن عثمان بدری بکه
سلیمانہ سنجانی بدایت محکمه سی جزا دائره سی
ریاستی عمارہ سنجانی بدایت محکمه سی مدعی
عمومی معاونی احمد رفعت افندی به
عمارہ سنجانی بدایت محکمه سی مدعی عمومی

معاونلکی کربلا سنجانی بدایت محکمه سی مدعی
عمومی معاون سابق فواد افندی به
کسندیرہ قضاسی بدایت محکمه سی جزا دائره سی
ریاستی رادویشتہ قضاسی بدایت محکمه سی جزا
دائره سی رئیس صادق افندی به
رادویشتہ قضاسی بدایت محکمه سی جزا دائره سی
ریاستی کسندیرہ قضاسی بدایت محکمه سی جزا
دائره سی رئیس احمد ضیا افندی به
کسندیرہ قضاسی بدایت محکمه سی مدعی عمومی
معاونلکی پراویشتہ قضاسی بدایت محکمه سی مدعی
عمومی معاونی حسن صبری افندی به
پراویشتہ قضاسی بدایت محکمه سی مدعی عمومی
معاونلکی کسندیرہ قضاسی بدایت محکمه سی مدعی
عمومی معاونی عثمان نوری افندی به
اچہ حصار قضاسی بدایت محکمه سی مدعی عمومی
معاونلکی مکتب حقوق شاہانہ نک علی درجہ ده
مآذونلرندن فائق کمال افندی به تفویض بیورلمش
ومومی الیہمدن محلف اولمیان عثمان بدری بک ایله
فائق کمال افندینک علی الاصول امر تحلیفلی اجرا
اولنمشددر .

قترین قضاسی بدایت محکمه سی مدعی عمومی
معاونلکنہ تعیین بیوریلان فتوتلو شریف افندی به
رتبہ رابعہ توجیہ بیورلمشددر .

تجربیات

معادن نظامنامہ سنک یکرمی برنجی مادہ سی
موجبجہ ہر بر معاملہ سی اتمام ایدیلان معدن
رخصنامہ سی آلیان مستدعیرہ جانب ولایت
ومتصرفیدن مقاولات محرر لکلی وساطتیلہ تبلیغ
اولنہ حق اخطارنامہ لردن طولانی مذکور محرر لکلی رجہ
خرج اخذی لازم کلوب کلیہ جکی استفسارینہ دائرہ قونیه
ولایتی استیناف محکمه سی مدعی عمومیلکندن وارد اولان

۲۰ مازت سنہ ۳۲۳ تاریخی شقہ انجمن عدلیہ به
لدی الحوالہ ذکر اولتان نظامنامہ نک یکرمی برنجی
مادہ سندنہ معاملہ سی اتمام ایدلمش اولان تحری
رخصنامہ سی مقاولات محرر لکلی معرفتیلہ
کندولربنہ وتوعبولہ جحق تبلیغ تاریخندن اعتباراً
ایکی ماہ مدت ظرفندہ مستدعیرلک مراجعتلہ آلدقلمری
صورتندہ حقلمری اسقاط اولنہ رق کیفیتک قیدلری
بالاسنہ شرح ویریلہ جکی مرقم اولمسنہ نظراً مدت
مذکورہ نک تعیین مبدائی ضمنندہ لزوم اجراسی
کوستریلان تبلیغاتہ توفیق حرکت حالندہ سالف الیان
رخصنامہ لک اصحابنہ اعطاسی وعکسی تقدیردہ ابطالی
نتایجی تضمن ایدن شو معاملہ دن طولانی ہر ایکی
صورتہ کورہ علاقہ دارانک برکونہ خرج ورسم
ایفاسیلہ مکلف ومجبور اولمدقلمری بدیلہی وحق
مراجعتک مفقودتی اعتباریلہ بوبادہ دائرہ عائدہ سندن
دخی خرج استیفاسی جہتہ کیدیلہ میہ جکی طبعی
بولنمش اولدینی افادہ واولوجہلہ عدلیہ نظارت
جلیلہ سندن مذکور مدعی عمومیلکہ تبلیغ مادہ
قلمنشددر .

محاکمات

محکمہ تمیز حقوق دائرہ سندن تنظیم واعطا

اولتان اعلامدر :

ریزہ نک مفتی محلہ سندنہ مقیم عرب اوغلی مصطفی
وہمشیرہ سی فاطولی خاتون ایله محلہ مذکورہ ده
ساکن مودل اوغلی مصطفی رئیس بینندہ متکون
دعواہ دائرہ طرزون ولایتی استیناف محکمه سندن
۱۶ نیسان سنہ ۳۱۸ تاریخی وایکی عددی ایله ویریلان
اعلام مرقومان مصطفی وفاطولی خاتون طرفلرندن
تمیز ایدلمکہ اعلام مذکور یالکز مستدعیرلک اعتراض
لایحہ سیلہ بالمطالعہ تدقیقات تمیزیہ اجراسنہ ابتدار
قلندی .

اعلام مذکورک خلاصه مالی مرقوم مصطفی رئیس کندوسنک بش حصه اعتباریله ایکی حصه سی تابع اوغلی کریمه سی امریه وزهرا و سلیمان کریمه سی کلغداردن دیگر شریککله اذن واجازتلیله تفرغ ایتش اولدیغی مفتی محله سنده واقع معلوم الحدود بر قطعه ترلاک اساساً قابل قسمت بولندیغی حالده دیگر حصه لریه متصرف بولسان عرب اوغلی مصطفی ایله همشیره سی فاطولی خاتون تفریق و تقسیمه مخالفت ایتمکده اولدقلرندن بجه اراضی مذکورک تقسیمه حصه سنک طرفته تسلیم ریزه بدایت محکمه سنده طلب و دعوی و ایکی قطعه موقت طابو علم و خبری ابراز و اعطا ایتسنه تارشو مدعی علیهما عرب اوغلی مصطفی ایله فاطولی خاتون دخی فارغ دنیایان امریه وزهرا خاتونلرک تاریخ فراغنده صغیره اولدقلرندن بوبابده کی تقریرلری معتبر اولدیغی کی دیگر فارغه کلغدارک دخی متصرفه اولدیغی بر حصه کنسولری خلیط و شریک اولدقلری و آرمدن هنوز بش سنه مرور ایتدیجی جهته اراضی قانوننامه سی موجبجه کنسولرینک تفرغه صلاحیتلری بدیدار بولندیغی مدافعه بیان ایتلری اوزرینه مدعی مصطفی رئیس مذکور اراضینک بر حصه متصرفه بولان مزبوران امریه وزهرا خاتونلرک کندوسنه حین فراغنده بالغه اولدقلری اقامه ایلدیجی شهودک شهادتیه اثباته تصدی ایتش ایسه شهود مرقومه نکل علناً تزکیه لرده جرح ایدلسندن طولانی حصه مذکوریه عائد دعواستندن شمدلک صرف نظرله مزبوره کلغدار خاتوندن تفرغ ایتدیجی یالکیز بر حصه حقنده کی ادعاسنک دوام محاکمه سی طاب ایتسیله اولابده سبق ایدن محاکمه و تدقیقات نتیجه سنده مزبوره کلغدارک حصه سی مدعی علیهما یک تفرغه طالب بولندقلری حالده برکونه اذن واجازتلی اولمقیزین مدعی مرقومه صامتش اولدیغی و مذکور اراضینک قیمتی یالکیز یکریمی لیرادن عبارت بولندیغی مدعی علیهما نکل آیری آیری اجرا قلنسان تحایرلیله آکلاشلدیغندن مذکور یکریمی لیرانک مدعی عامهلر طرفندن مدعی به تأدیبه ایلدیجی صورتده حصه مذکورک بالقریق مدعی به تسلیمه دائر محکمه مذکوردهن لاحق اولان اعلامک عند الاستیناف اسباب قانونیه به بناء فسختدن صکره اساس ماده نکل اجرای محاکمه سی ضمنده تعیین قلنسان کونده مستأنف علیهما نکل عدم اجابتلریه مبنی حقارنده وکیل مسخر تعیینیه غیاباً سبق ایدن محاکمه و تدقیقات استینافیه نتیجه سنده منازعیه اراضی مرقوم مصطفی رئیس مزبوره کلغدار خاتوندن حین تفرغده مرقوم عرب اوغلی مصطفی و فاطولینک اذن واجازتلی منضم اولدیغی سرأ و علناً تزکیه لری اجرا قلنسان شهودک

شهادتیه ثابت اولسنه بناء مستأنف علیهما مصطفی و فاطولینک مستأنف مرقومه قارشو وقوع بولان معارضه لرینک متعلیه مدعا به اراضینک کندوسنه تسلیمه حکمدن و مستعدیلرک اشبو حکم علمنده لایحظ لرده محرز باشلوچه اعتراضلری منازع فیه اراضی حصه سی مرقوم مصطفی رئیس کلغداردن حین تفرغده کنسولرینک اذن واجازتلی منضم اولدیغی مدعی مرقومه بینه تحریریه ایله اثبات ایتدیرلسی لازم کلور ایکن شهود شخصی شهادتلیله حکم ایدلسی مغایر قانون اولدیغندن بجه اعلامک نقضی استدعاسندن عبارتدر .

ایجابی مذاکره اولندقدده اعلام مذکور مآلندن آکلاشلدیغی اوزره مزبوران مصطفی و فاطولینک منازع فیه حصه سی آلمقندن استکف ایلدیکلری حقده بینه شخصی استماع قلنهرق اکا بناء حکم ایدش ایسه ده کیفیت استکفک علم و خبرله اثبات ایدلسی طابو نظامنامه سنک ماده مخصوصه سی اقتضاسندن اولوب بوبابده شهود شخصی استماعه جواز قانونی اولدیغی حالده برمنوال محرز شهود استماع قانونی مخالف قانون اولدیغندن اصول محاکمه حقوقیه قانوننک ایکویز اوتوز ایکنجی ماده سی موجبجه اعلام مذکورک تقضه و قانون مزبورک ایکویز قرق دردنجی ماده نکل فقره اولاسی حکمه توفیقاً کیفیت اصولی دأرهنده تکرار بالرویه اعلامه ربطی ضمنده محکمه مذکوریه اعاده سنه و مدعی علیه مصطفی رئیس طرفندن اخذ استیفا قلنسان اوچوز طقسان اوچ بقی غروش مصارف تمیز به نکل ایلروده حقسز چیه جق طرفه عائد اولسنه ۲۰ اگستوس سنه ۱۸۱۸ تاریخده قرار ویرلدی .

محکوماً محبوس بولسان مصطفی اوغلی احمدک کیفیت قتلندن دولای جنایتله اتهام اولان حسن اوغلی دورمشک اون بش سنه مدته کورک قونلنسنه دائر قونیه ولایتی استیناف محکمه سی جزا دأرهنسندن اعطا قلنسان ۲۱۸ نومرولی اعلام

سایمان اوغلی محمدک لیلأ سورسینی باصوب چوبانی یورکی ضرب ایله قیونلری سرقت ایلدیکلری ادعا اولمقندن دولای جنایتله اتهام اولان حسن بن مصطفی و صالحک اوچر و بالمقابله زینل عثمانی قتل ایدن مصطفانک بش سنه مدته کورک قونلریه دائر درامه سنجانی بدایت محکمه سی جزا دأرهنسندن ویریلان ۹۳۰ نومرولی اعلام

کول میدان اوغلی و اسیلک ساعتچی دکاتی اناختار اویدیردق آچوب ساعتلری و بنیان کلیساستندن اجرای

آیین اناسنده تصاویر اوزرندن کی کوشلری سرقت ایتدیجی ادعا اولمقندن دولای جنایتله اتهام اولان ایقوندی ولد بدروسک اوچ سنه مدته کورک قونلنسنه دائر قیصریه سنجانی بدایت محکمه سی جزا دأرهنسندن ویریلان ۳۵۳ نومرولی اعلام

ویشک کیفیت قتلندن دولای جنایتله اتهام اولان لول اوغلی سوطیرک اون بش سنه مدته کورک قونلنسنه دائر پروزه سنجانی بدایت محکمه سی جزا دأرهنسندن اعطا قلنسان ۱۴۰ نومرولی اعلام

حافظ حسینی جرح ایله تعطیل عضویه سببت ویردیجی ادعا اولمقندن دولای جنایتله اتهام اولان مصطفی بن احمدک اوچ سنه مدته کورک قونلنسنه دائر اقره ولایتی استیناف محکمه سی جزا دأرهنسندن اعطا قلنسان ۱۸۲ نومرولی اعلام

اسماعیل اوغلی شکری قتل ایلدیجی ادعا اولمقندن دولای جنایتله اتهام اولان ابراهیمک اون بش سنه مدته کورک قونلنسنه دائر مرسین سنجانی بدایت محکمه سی جزا دأرهنسندن اعطا قلنسان ۴۰۶ نومرولی اعلام

محمدک اغنامنی سرقت ایلدیجی ادعا اولمقندن دولای جنایتله اتهام اولان عبدالهک اوچ سنه مدته کورک قونلنسنه دائر معموره العزیز ولایتی استیناف محکمه سی جزا دأرهنسندن اعطا قلنسان ۱۶۶ نومرولی اعلام محکمه تمیز جزا دأرهنسجه تصدیق قلمشدر .

در سعادت جنایت محکمه سندن تنظیم واعطا قلنسان اعلامدر :

ازچوز یکریمی سنه سی تشرین اولنک اوتوزنجی کونی ساعت اوچ راده لرده میر آخویر جوارنده بانونک میخانه سی اوکنده ترزی عنکلی جرح و قتل ایلدیجی ادعاسیه مظلون علیه اولان حاجی مانول زقاغنده نومروسز خانه ده متصرفاً اقامتیه قازلی چشمه ده ایراننک خالی فابریقه سنده آتشچیلک ایدن یکریمی بش یاشنده آستانه نی نقولی ولد یورکی واشبو قتل فعلنده آمرغیرجیر بولندیغی ادعاسندن طولانی کذلک مظلون علیه اولان و محل مذکورده مستأجراً اقامتیه قازلی چشمه ده میشونک فابریقه سنده بیاینجی ایدوکی سولیان اوتوز یاشنده آستانه نی یریکلی ولد واسیلک جنایتله اتهاملریه دائر هیئت اتهامیدن تنظیم قلنسان مضطه ایله استیناف مدعی عمومیلکنک ۱۵ شاط سنه ۳۲۲ تاریخ و ۸۳۴ نومرولی اتهامنامه سی اوراق مترغسه سیله برابر محکمه جنایتیه تدویم قلمغه بالمطالع تفصیلاتی اولساده طویلان ضبطنامه دن مستبان

اوله جنی اوزره اصول محاکمت جزائییه قانوننک باب ناینسک فصل رابعنده محرز اولان معاملات ابتدائییه بعدالایفا متمان نقولی و یریکلنک اجرای محاکمه لری ایچون ۳۲۲ سنه سی شباطنک یکریمی ایکنجی کونی تعیین قلندی .

یوم مذکورده متمان مرقومان علی الاصول توقیفخانندن کتوردیلرک و مدافعه وکیللری یاقو قیا ایله واسیل زخارادی افندیلر و مدعی شخصی یورکی واستیناف مدعی عمومیلکی معاونلرندن عزتلو بهجت بک حاضر اولدقلری حالده محاکمه صالونه چیقیلهرق محاکمه علیه اجراسنه مباشرت و جانب ریاستندن متهملرله وکیللریه اخطارات لازمه قانونیه ایضا قلندقدن صکره هیئت اتهامیه مضطه سیله اتهامنامه ضبط کاتی شفیق افندی طرفندن قرائت اولندی .

مذکور مضطه ده مظلون علیهمادن نیقولینسک یریکلنک امریه عنکلی جرح و قتل ایش و مرقوم یریکلنک دخی اشبو قتل فعلنده آمرغیرجیر بولنش اولمزلندن طولانی اتهاملریه اوراق تحقیقه ده محرز اخبارات و معاینه راپوری مندرجاتی کافی کورنش و نیقولینک حرکتی قانون جزانک یوزسکسان دردنجی ماده سنک فقره نایه سی دلائله قانون مذکورک یوزیش دردنجی و یریکلنک حرکتی یوز سکسان دردنجی ماده لری احکامی مستلزم افعال جنایتیه بولنش اولدیغندن جنایتله اتهاملریه قرار ویرلدیجی محرز و اتهامنامه دخی مرقومانک مضطه مذکورده مندرجاتی وجهه اتهام ایلدیجی مسطردر .

اتهامنامه نکل خلاصه سی جانب ریاستندن متمان نقولی و یریکلی به تفهیم و توضیح و معاون مومی الیه طرفنده دخی دعوانک تشریح اولمقنی معقب متمان مرقومان سولتدیرلرک لرده بولاردن نیقولی هیچ برشیدن اصلا معلوماتی اولدیغی یادولده السؤل مققول عنکلی جرح قطعاً طائیدیغی کی مرقوم ایله منازعه دخی ایتدیجی و یریکلی بی برابریقه ده ایکی هفته قدر برلکده چالشمش اولدقلرندن طولانی طائیدیغی ایراد ایلدی .

یریکلی دخی کندوسنک ده ماده قتاده دخلی اولدیغنی بیان و عندالاستفسار عنکلی بی اصلا طائیدیغی و زوجهنه طاقمدیغی اتیان ایلدی .

صورت جریان وقعه مدعی شخصی یورکیدن صورلدقه وقعه کیجه سی خانه سنده اوطورمه قدده ایکن اوغلی مقبول عنکلی خانه سنک یانی باشنده اجرا ایلکده اولان دوکونه باقی ایچون چیققدن اون دقیقه کچر کچمر امان قیوی آج بی اوردیله دیرک بالورود اوطه ده دوشدیجی و جارحنی صوردیغنده آپوستولک و کیسی دباغ نقولی اوردیغی

سولیدیجی و ویردیجی معلومات اوزرینه ورود ایدن مأمورین ضابطه یه دخی اولوجهه افاده ده بولندیغی و سکر اون ساعت یشادقدن صکره وفات ایتدیجی بیان ودها زیاده افاده یه غیر مقتدر اولدیغی جهته سبب جرحی سولیدیجی و یریکلنک زوجهنه سینه طاقمدیغی بیمادیجی درمیان ایلدی .

علی هذا ۲۹ و ۳۱ تشرین اول سنه ۳۲۲ تاریخی ایکی قطعه ضابطه عدلیه تقریری ایله مققولک معاینه سی حاوی طیب راپوری و قبل الوفا ضبط ایدلش اولان افاده سی و متمان مرقومانک افادات استطاقیلری اوقوتدیرلدی .

برنجی تقریرده ۳۲۲ سنه سی تشرین اولنک اوتوزنجی کیجه سی میر آخویر جوارنده صاحبی اوطه لرده ساکن قفسچی یورکینک اوغلی ترزی عنکلینک جرح ایلدیجی استخبار اولمسی اوزرینه درعقب محل مذکورده کیدلکده مرقوم عنکلینک خانه سنک آلت قات اوطه سنده کورکسندن مجروح اولدیغی حالده یاتمقده ایدوکنک کورلیدیجی و جارحنک سؤالنده جقور چشمه ده کات بانونک میخانه سی اوکندن کچرک خانه سنه کلکده ایکن نیقولینک بغته آرقه سندن کلوب جرح ایله فرار ایتدیجی بیان ایلدیجی و جارحنک تحریسه لیدی الابتدار خانه سنده محتفی اولدیغی حالده دردت ایلدیله رک استجواب اولندیغنده وقوع جرحی انکار ایتدیجی و ایکنجی تقریرده اجرا قلنسان تحقیقات نتیجه سنده مرقوم نیقولینک عنکلی بی یریکلنک اثر تشویقیله جرح و قتل ایلدیجی آکلاشلدیغی اشعار و راپورده عنکلینک تخمیناً یکریمی ایکی یاشلارنده قوی البیه برشخص اولوب ناحیه مراق ایتنده آلت قاطعه ایله حاصل تقریباً اوچ سانیمترو طولنده مستعرضاً واقع و عمقی بطه نافذ بر عدد جرحه کورلیدیجی و آلت قاطعه نکل انای سیرنده کبدک قص ایسری عایدان سفله و اینندن ایسره جریحه دار ایدرک وقوعه کلان زرف داخلیدن یعنی مذکور جرحه سندن متأثراً وفات ایلدیکنسک مفهوم اولدیغی ازار قلمش و مققولک قبل الوفا ضبط ایدلش اولان افاده سی آپوستولک کوکیسی دباغ نیقولینک بانونک میخانه سی اوکنده اوزرینه بالهجوم کورمه دیجی برشیله کورکسندن اوردیغی و مرقوم نقولی ایله برکونه عداوتی اولدیغی خصوصاتندن عبارت بولمشدر .

استطاقنامه لرده متمانندن نیقولینک عنکلی بی شخصاً طانور ایسه ده کندوسیه قونشمز ایدوکی و مرقوم ایله یاشلارنده برکونه خصومت اولدیغی و وقعه کیجه سی اخشام اذاندن صکره لازار و خرستو نام

کسان ایله ایلیانک میخانه سنه کیدرک رایکی قدح راقی واورا دن قهوه خانه یه کیدوب بررقه و اچدکن صکره قافله رق ویکدیگرندن آیریلهرق خانه لریه کیتدیکلری و خانه سنده ساعت درت بقی راده لرده یاتمقده ایکن آدم اورمشسک دیوکلان مأمورین ضابطه نکل قره غولخانه یه کورتورکلری بیان و یریکلنک دخی مققول عنکلی بی طانور ایسه ده کندوسیه الفتی اولدیغی و زوجهنه مققول مرقومک طاقلمقده اولدیغی مزبورنک کندوسنه سولیس اوزرینه حکومته مراجعت ایتدیجی اتیان و ایکنجی استجوابنده محله ده یکی طاشمش اولدیغی جهته عنکلی بی طائیز ایدوکی و مرقوم عنکلینک زوجهنه سینه طاقمدیغی کورنلر وادایسه ده اسملری بیلمز ایدوکی و کندوسی دائماً ایش باشنده بولندیغی جهته مرقومی کورمالمکده اولدیغندن بوخصوصه برشی سولیدیجی وینه برکون زوجهنک قومشونک خانه سنده بولندیغی برصرده ایکی ارقداشلیله برلکده جانی چالهرق یکمکده اولان مرقوم عنکلینک برطاش آتوب جامی قیرمش اولمقندن مزبورنک حکومته مراجعتده بز آتی بولورز جوانی و یرمش اولدقلری فامیلیاسنک کندوسنه حکیه ایتش ایدوکی و کندوسی نقولی به بوبابده برشی سولیمش ایسه ده فامیلیاسنک نیقولینک فامیلیاسه سولیش ایسه بیله میه جکی درمیان ایتش اولدقلری مندرجدر .

قراات اولان اوراق مندرجاته قارشو نه دیه جکلری متهملردن صورلدقه نیقولی آپوستولک کوکیسی دباغ نیقولی کندوسنک آدی اولدیغی و کندوسی قره غولخانه یه کورتورکلری زمان مققول ایله مواجهه ایتلری طلب ایتش ایسه ده خسته خانه ده اولدیغندن بجه مواجهه ایتدیجی تذکار و یریکلی سکوتی اختیار ایلدی .

(مابعدی کله جک نسخه یه)

ولی ایله قاسمک مضاره ایتدیکلری ثابت اولدیغندن بر هفته حبسلریه آواکیمک اموال منقولهنه ایراث خسار ایتدیجی و دردت ایتک ایچون کلان پولیس علی افندی بی ضرب و مومی البه کشیر سلاح ایتدیجی ثابت اولان حسنک الی آجیسته و ضرر و زیان بدلی اولان یکریمی غروشک تحصینه

حسن افندی نکل اشپاسنی سرقت ایتدیجی ثابت اولان ابراهیمک اوچ آجی حبسنه و ختام مدت جزائییه سنده ضابطه جه کفالتیه ربطه زینلی ضرب ایتدیجی ثابت اولان احمد افندی نکل بر آجی حبسنه

بک اوغانده ترلا باشنده ساکنه هابقانوشک لئوئی

ضرب ايلديكي ثابت اولمغله مزبوردهن ايكي آلتون
آلهرق مضروبه ويرلسنه

يكي كويده قهوه جي پيرامك اوطه جي حسنى ضرب
ايلديكي ثابت اولمغله برهفته حبسنه

مارى قادينى ضرب ايتديكي تحقق ايدن قيل
برونده مقيم ديمتريدن برچق آلتون آلهرق مشتكيه
ويرلسنه

داويدى ضرب ايتديكي ثابت اولان ياسفدن برچق
آلتون آلهرق مضروبه ويرلسنه

زوجه سى فردوسى ضرب ايلديكي ثابت اولان
الماطاني ساكلرنندن طاووجى نظيفدن برآلتون
آلهرق مضروبه ويرلسنه درسعادت وبك اوغلى
بدایت محاکمی جزا دائره لنجه قرار ویرلمشدر .

مُحَامَلَاتُ اِنْتِبَاهِيَّة

آراج قضاسى بدایت محكمه سى اعضاسندن
مستطق ابراهيم ومستطق معاون سابق مصطفى رمزى
افنديلرك مواد معينه ده خلاف قانون معاملات ايله امور
مأموره لرني سوء استعمال ايلدكلى قسطموني ولايتى
استيناف محكمه سى مدعى عموميلكندن وارد اولان
اوراق تحقيقه مألرندن اكلاشلمسنة مبنى مستطق
معاون سابق مومى اليه مصطفى رمزى افندى حقتده
اجراى تعقيبات اولمق اوزره اعضاى مومى اليه
بالعزل محاكمه آله آلمسنة عدليه نظارت جايلاه سندن
مأذونيت اعطا ومذكور مدعى عموميلكه تبليغات
لازمه ايفا ايدلمشدر .

اِغْلَانَات

درسعادت استيناف مدعى عموميلكندن :

حسنينك قتل قصديه جرحى ماده سندن طولاي
مظنون عليه بولنانلردن اولوب غير موقوف وبستان باشنده
حقينك قهوه خانه سى اوزرنده اقامتله طاووجيلىق
ايتكمده بولنان يونان دولتى تبعه سندن اوزون بويلي ،
صارى صاچ وقاش وييقلى ، بيوك برون واغزلى ،
مائى كوزلى ، مطروش چكلى ، اسمر بركزلى يراسيمو
ولد خرستونك اصول محاكات جزاينه قانوننك
مواد مخصوصه سى احكامنه توفيقاً موقوف بولنان
برادري آندون ايله برلكده جنائت محكمه سنده
محاكمه لى اجرا قلمق اوزره قانون جزانك قرق
بشنجى ماده سى دلايليه يوزسكسانجى ماده سى موجبنجه

جنائتله انهامنه قرار ویرلديكندن متهم مرقومك
هر زرده كوريلور ايسه طوتيلوب محكمه مذكوره
توقيف خانه سنه تسليمى لازم كله چكى باجله ضابطه عدليه
مأمورلرينك معلومى اولمق اوزره اشبو اخذ وكرفت
مذكوره سى درسعادت هيئت انهاميه سندن بالتنظيم اعطا
قلمدى .

تجارت بحريه محكمه سنده

محمود پاشاده چوراجى خانى اتصالنده ۵۱
نومرولى مغازده مانيفاطوره جي دونيك آربايانك
۱۴ حزينان سنه ۳۲۳ تاريخندن اعتباراً اعلان
افلاسنه ومصالح افلاسيه نك رؤيت وتسويه سى ضمنده
اعضای محكمه دن سعادتلو ابراهيم بكك ژورقوميصر
ودعوى وكيللرندن عثمان طلعت بكك موقت سنديك
تعينلرينه ومغازه سيله اشباى زائده بيتيه سنك تمهيريته
واوراق ودفاترينك جلبنه وكفالت مصدقه ارانه
ايدمه ديكي تقديرده حبس وتوقيفنه وبوباده كي قرارك
موقتاً اجراسنه تجارت بحريه محكمه سنجه قرارويرلمش
اولديغندن قانوننامه تجارتك ۱۷۰ نجى ماده سى
موجبنجه دائمي سنديكلر انتخاب اولمق اوزره ۳۲۳
سنه سى حزينانك يكرمى سكرنجى پنجشنبه كوني ساعت
يدى راده لرنده اصحاب مطلوبك محكمه مذكوره نك
مصالح افلاسيه رؤيته مخصوص اوطه سنه كلملى
اعلان اولنور .

غلطه ده كوركييلرده كوچك يكي خانه ۴ و ۵
نومروده مقيم اشباى تجاريه متعهدي بدروس حمائجيانك
۱۴ حزينان سنه ۳۲۳ تاريخندن اعتباراً اعلان
افلاسنه ومصالح افلاسيه نك رؤيت وتسويه سى ضمنده
اعضای محكمه دن عزتلو مارقار افندينك ژورقوميصر
ودعوى وكيللرندن قسطنطين قاپوس وقزغانجيان شرام
افنديلرك موقت سنديك تعينلرينه ومغازه سيله اشباى
زائده بيتيه سنك تمهيريته واوراق ودفاترينك جايته
وكفالت ارانه ايدمه ديكي تقديرده حبس وتوقيفنه
وبوباده كي قرارك موقتاً اجراسنه تجارت بحريه
محكمه سنجه قرارويرلمش اولديغندن قانوننامه تجارتك
۱۷۰ نجى ماده سى موجبنجه دائمي سنديكلر انتخاب
اولمق اوزره ۳۲۳ سنه سى حزينانك يكرمى سكرنجى
پنجشنبه كوني ساعت يدى راده لرنده اصحاب مطلوبك
محكمه مذكوره نك مصالح افلاسيه رؤيته مخصوص
اوطه سنه كلملى اعلان اولنور .

درعليه ده كوچك عاشرافندى خاندنه ساكن ايكن
تجارت بحريه محكمه سندن مقدا افلاسنه حكم اولمش
اولان اجزاجى قالفه يان برادرلر ذمتنده آله جفنى اثبات

ويا موقتاً قبول وقيد ايتديرمش اولان آله جقلولرك
قانوننامه تجارتك ۲۱۱ نجى و آنى ولى ايدن ماده سى
موجبنجه مفلس طرفندن تكليف اولنه جبق
قوتقورداتونك مذاكره سى ايچون ۳۲۳ سنه سى
حزينانك يكرمى بشنجى بازارايرتسى كوني محكمه
مذكوره نك مصالح افلاسيه رؤيته مخصوص اوطه سنه
كلملى اعلان اولنور .

محكمه تجارت اجرا دائره سنده :

سالنيك بانقه سنك احمد خيرى بك ذمتنده
ايكنجى تجارت محكمه سى اعلاميله محكوم به اولان
آله جفنىك تسويه سى ايچون مديون مرقومك متوفى
پدرى حسن تحسين افندين منتقلاً متصرف اولدينى
صمايه ده سنجاقدار خيرالدين محله سنده اوزونجه اوبه
زقاعنده قرق بش وقرق يدى نومرولر ايله مرقم
مقدا ايكي باب خانه واليوم معلوم الحدود على التخمين
يوز بش ذراع عتيق مقدارى برقطعه عرصه بوندن
اقدام موقع مزايده به قونيله رق ليراي عثمانى يوز
غروش حسابيله بيك التيوز غروشه طالبي
عهده سنده قلمش واشبو حزينان رومينك اون
ايكنجى صالى كوني اجرا اولنه جفنى غزته لاله اعلان
ايديلان صوك مزايده معامله سى كله جك تموز رومينك
التنجى جمعه كونه تعليق قلمش اولديغندن مذكور
عرصه به يوزده بش ضم ايله طالب اولانلرك وبوندن
زياده معلومات آلمق ايسيتلرك بدل مزايده نك عشرينه
مساوى پي اچه سيله برابر يوم مذكوره قدر محكمه
تجارت اجرا دائره سنه مراجعت ايللى ويوم
مذكوره ساعت اونه قدر مذكور عرصه پيشكاهنده
مأمورى مواجهه سنده حاضر بولملى اعلان اولنور .

درسعادت اعمومات نظامه اجرا دائره سنده

فاطمه خاتمك محمد حسام الدين بك ذمتنده محكوم به
آله جفندن طولاي مديون مومى اليه كالى اولوب حجز
آله اديرلمش اولان آو تفشكى ايله ماصه وسنداليه
وخالى سجاده وسائر اوله رق اوتوز يدى قلم اشباى
بيتيه نك تاريخ اعلانندن اعتباراً اوچ كون صكره يعنى
شهرجاري رومينك يكرمى اوچنجى جمعه ايرتسى كوني
ساعت درت راده لرنده چارشوى كبرده جواهر
بدستانى دروننده بالمزايده فروخت اولنه جفنى درسعادت
اعلامات نظاميه اجرا دائره سندن اعلان اولنور .